

Bosna i Hercegovina  
Federacija Bosne i Hercegovine  
Kanton Sarajevo  
Općina Hadžići  
Općinska izborna komisija



Bosnia and Herzegovina  
Federation of Bosnia and Herzegovina  
Sarajevo Canton  
Municipality of Hadžići

---

**P L A N**  
**IZLAGANJA PRIVREMENOG IZVODA IZ CENTRALNOG**  
**BIRAČKOG SPISKA U OPĆINI HADŽIĆI**

---

Hadžići, maja 2010. godina

Na osnovu člana 8. Pravilnika o vođenju centralnog biračkog spiska („Službeni glasnik BiH“, broj: 40/06), a u skladu sa tačkom 7. Plana aktivnosti Općinske izborne komisije Hadžići u pripremi i provođenju Općih izbora 2010. godine, broj: 01-05.4-1198/2010, koji je prihvatilo Općinsko vijeće Hadžići za svojoj 15. sjednici održanoj 25.02.2010. godine, Općinska izborna komisija Hadžići, na sjednici održanoj 24. maja 2010. godine, d o n o s i

**P L A N**  
**IZLAGANJA PRIVREMENOG IZVODA IZ CENTRALNOG BIRAČKOG**  
**SPISKA U OPĆINI HADŽIĆI**

U pripremi i provođenju Općih izbora 2010. godine, Općinska izborna komisija je utvrdila Plan aktivnosti za realizaciju svojih nadležnosti, a u skladu sa Izbornim zakonom BiH (član 2.13), a tačkom 7. Plana utvrđeni su zadaci i aktivnosti, sa rokovima i referencama na zakon, na izlaganju PRIVREMENOG IZVODA IZ CENTRALNOG BIRAČKOG SPISKA u Općini Hadžići (u daljem tekstu: Plan aktivnosti).

Izvodi iz Centralnog biračkog spiska izlažu se na uvid javnosti najkasnije 125 dana prije održavanja izbora u svrhu izrade konačnog Centralnog biračkog spiska, i to:

- a) Izvodi iz privremenog Centralnog biračkog spiska (u daljem tekstu: CBS) za redovne birače u printanoj formi
- b) Izvod iz CBS za raseljena lica u elektronskoj formi

Ovaj Plan obuhvata način obavještanja javnosti o trajanju izlaganja Izvoda iz CBS i mjestima na kojima će se Izvodi iz CBS izlagati, odnosno gdje će biti dostupni, kao i način obavještanja raseljenih lica o načinu određivanja biračke opcije u Centru za birački spisak Općine Hadžići.

OIK ovim Planom osigurava svim licima i političkim subjektima pristup kako bi mogli provjeriti svoje podatke u Izvodu iz privremenog CBS, te izvršiti njihovu ispravku u Centru za birački spisak.

Izlaganje Izvoda iz privremenog CBS traje 30 dana i to od 04.06. do 04.07.2010. godine (od 125 dana, do 90 dana prije dana održavanja izbora).

Birači koji u periodu izlaganja Izvoda iz privremenog CBS uoče nepravilnosti i pogrešne podatke, imaju pravo zahtijevati njihovu ispravku, ukoliko se radi o ispravci ličnih podataka. Zahtjev se podnosi organu nadležnom za vođenje podataka čija se ispravka zahtjeva.

Ovim Planom utvrđuju se slijedeće aktivnosti, rokovi i nosioci aktivnosti za realizaciju zadataka na izlaganju Izvoda i privremenog CBS-a u Općini Hadžići:

<b>R/B</b>	<b>ZADACI</b>	<b>AKTIVNOSTI</b>	<b>R O K</b>	<b>NOSIOCI I AKTIVNOSTI</b>
1.	Izrada Plana izlaganja Izvoda iz privremenog CBS	1. Izrada Plana i razmatranje i usvajanje istog na sjednici OIK-a	24.05.2010	-Maksumić Ibrahim predsjednik OIK-a



2.	Obavještanje javnosti o trajanju izlaganja PCBS i mjestima na kojima će se izlagati	2. Izrada proglasa i objava preko medija i izlaganju PCBS-a (MTV „Igman“ Pazarić i TV Kanton Sarajevo)	25.05.2010	-Maksumić Ibrahim -Kazić Enes
		3. OIK kreira obavijesti (plakate) o mjestima i vremenu izlaganja PCBS u naseljenim mjestima Općine	28.05.2010	-Maksumić Ibrahim
		4. OIK dostavlja Plan izlaganja PCBS političkim subjektima i CIK BiH	28.05.2010	-Maksumić Ibrahim
		5. OIK obavještava putem oglasa na medijima i putem plakata raseljena lica o načinu određivanja biračke opcije u Centru za birački spisak Općine Hadžići	28.05.2010	-Maksumić Ibrahim
3.	Umnožavanje Izvoda iz privremenog CBS-a za izlaganje	6. Umnožiti Izvod iz privremenog CBS koje se dostavljaju: 1) Mjesnom uredu Hadžići 2) Mjesnom uredu Pazarić 3) Mjesnom uredu Tarčin 4) Centru za birački spisak (original)	28.05.2010	-Turković Hiba -Isić Emina
4.	Izlaganje Izvoda iz privremenog Centralnog biračkog spiska	7. Distribucija Izvoda iz privremenog CBS Mjesnim uredima Hadžići, Pazarić i Tarčin na izlaganje	od 04.06.2010  do 04.07.2010	-Maksumić Ibrahim - Turković Hiba
5.	Rad mobilne ekipe OIK-a i Centra za birački spisak u svim MZ i SŠC Hadžići	8. Mobilna ekipa OIK-a i Centra za BS Općine Hadžići održat će u svim MZ-a i SŠC Hadžići, susret sa građanima i učenicima završnih razreda Srednje škole po unaprijed utvrđenom rasporedu, koji je u prilogu ovog Plana	Od 04.06. do 04.07.2010	-Maksumić Ibrahim -Šarenac Ljiljana -Kazić Enes -Turković Hiba -Isić Emina
6.	Obavještanje raseljenih lica o načinu određivanja biračke opcije	9. Izrada proglasa za medije i plakata za sva naseljena mjesta o načinu i rokovima određivanja biračke opcije u Centru za birački spisak Općine Hadžići	28.05.2010	-Maksumić I.

7.	Evidentiranje prigovora na Izvod iz privremenog CBS	10. OIK će obezbjediti putem mobilne ekipe i angažovanih osoba (predsjednika Savjeta MZ i sekretara MZ) svim licima i političkim subjektima pristup kako bi mogli provjeriti svoje podatke u Izvodu iz privremenog CBS-a, te izvršiti njihovu ispravku kod nadležnog organa	Od 04.06.2010. do 04.07.2010.	-Maksumić I. -Šarenac Ljiljana -Turković Hiba -Isić Emina -predsjednici Savjeta MZ -sekretari MZ
8.	Dostava zahtjeva za ručnu dodjelu birača biračkim mjestima na propisanom obrascu	11. Na osnovu evidentiranih primjedbi u toku izlaganja Privremenog CBS-a i potrebe da je određene birače ručno dodjeliti nekom drugom biračkom mjestu, zahtjev sa podacima o tim biračima dostavit će se CIK BiH najkasnije do 20.06.2008.g. na propisanom obrascu za dodjelu birača BM.	Do 04.06.2010	-Turković Hiba -Isić Emina

#### NAPOMENE:

- **IZLAGANJE PRIVREMENOG IZVODA IZ CBS**

Izlaganje privremenog izvoda iz Centralnog biračkog spiska traje 30 dana od dana utvrđenog u članu 3. stav 1. Pravilnika o vođenju Centralnog biračkog spiska, tj. od 04.06.2010. godine do 04.07.2010. godine.

- **ZAHTJEV ZA ODABIR BIRAČKE OPCIJE**

Općinska izborna komisija uz Izvode iz privremenog CBS, koje stavlja na izlaganje, dostavlja i primjerak obrasca zahtjeva iz člana 14. Pravilnika, kako bi raseljeno lice imalo mogućnost da odabere biračku opciju određenu članom 20.8 Izbornog zakona BiH, putem Centra za birački spisak.

OIK zaprima zahtjev od raseljenih lica u roku od 75 dana prije dana održavanja izbora i dostavlja ga Centralnoj izbornoj komisiji BiH u elektronskoj formi radi ažuriranja Izvoda iz CBS za raseljena lica (član 7. stav 4. Pravilnika).

- **ZAHTJEV ZA ISPRAVKE PODATAKA**

Birači koji u periodu izlaganja Izvoda iz privremenog CBS uoče nepravilnosti i pogrešne podatke, imaju pravo zahtijevati njihovu ispravku ukoliko se radi o ispravci ličnih podataka. Zahtjev se podnosi nadležnom za vođenje podataka čija se ispravka zahtjeva (član 9. Pravilnika).

- **POJAM RASELJENOG LICA**

Pod pojmom raseljenog lica, u smislu člana 1.1a stav (1) tačke 9. Zakona o izmjenama i dopunama Izbornog zakona BiH i Pravilnika o vođenju CBS podrazumijeva se državljanin BiH kome je status raseljenog lica utvrdio nadležni organ uprave za pitanje raseljenih lica, u skladu sa Zakonom.

- **UPIS U CBS RASELJENOG LICA**

Državljanin BiH koji ima biračko pravo u skladu sa Izbornim zakonom BiH i koji ima status raseljenog lica upisuje se u Centralni birački spisak za osnovnu izbornu jedinicu na osnovu izražene biračke opcije, u skladu sa odredbama Izbornog zakona BiH.

- **POJAM IZBJEGLOG LICA**

„Izbjeglo lice podrazumijeva državljanina BiH koji ima biračko pravo i boravi u inostranstvu sa statusom izbjeglog lica iz BiH“.

- **POJAM PARLAMENTARNA STRANKA**

„Parlamentarna stranka“ podrazumijeva političku partiju koja je zastupljena u predstavničkim ili zakonodavnim organima vlasti.

- **POJAM BIRAČKE OPCIJE ZA RASELJENO LICE**

Pod biračkom opcijom za raseljeno lice podrazumijeva se:

- Izjašnjenje raseljenog lica koje ima biračko pravo da glasa za općinu, odnosno osnovnu izbornu jedinicu u kojoj je imao prebivalište prema posljednjem popisu stanovništva, osim u slučajevima kada može predočiti dokaz o promjeni prebivališta u skladu sa Zakonom, u periodu od posljednjeg popisa stanovništva koji je izvršila država BiH do trenutka kada je steklo status raseljenog lica (u daljem tekstu: općina prebivališta iz 1991.godine). Raseljeno lice koje se izjasni da glasa za općinu prebivališta iz 1991. godine, istovremeno se izjašnjava i o načinu glasanja, odnosno da li glasa lično u općini iz 1991. godine ili glasa u odsustvu iz općine, odnosno osnovne izborne jedinice u kojoj ima boravište.
- Izjašnjavanje raseljenog lica koje ima biračko pravo da glasa za općinu, odnosno osnovnu izbornu jedinicu u kojoj ima prijavljeno boravište, pod uvjetom da predoči dokaz da ima prijavljeno boravište u toj općini najmanje šest mjeseci prije dana izbora (općina boravišta).

\* \* \*

Bitna pretpostavka za realizaciju Plana izlaganja Izvoda iz privremenog Centralnog biračkog spiska jeste kontrola istog, sa ciljem da se aktivnosti izvršavaju na vrijeme, kako bi se ispunili utvrđeni zadaci i postigao cilj.

U tom cilju, Općinska izborna komisija će pratiti i po potrebi uraditi reviziju i evaluaciju Plana.

Broj: 01/1-05.4-4887/2010.  
Hadžići, 24.05.2010. godine

PREDSJEDNIK  
OPĆINSKE IZBORNE KOMISIJE

Ibrahim Maksumić, dipl.politolog

